

NO. SOALAN: 23

**PEMBERITAHUAN PERTANYAAN BAGI JAWAB LISAN
DEWAN RAKYAT**

PERTANYAAN : LISAN

DARIPADA : PUAN ALICE LAU KIONG YIENG [LANANG]

TARIKH : 13 MAC 2018

RUJUKAN : 10564

SOALAN:

Puan Alice Lau Kiong Yieng [Lanang] minta MENTERI DALAM NEGERI menyatakan :

- (a)berapakah jumlah kes perjudian atas talian melalui *smartphone* telah dilaporkan pada tahun 2013-2018; dan**
- (b)apakah perancangan Kementerian untuk menangani masalah perjudian atas talian memandangkan ia semakin serius di negara kita.**

JAWAPAN:

Tuan Yang Di-Pertua,

(a) Kementerian Dalam Negeri (KDN) melalui Polis Diraja Malaysia (PDRM) sentiasa memantau dan mengambil tindakan secara berterusan untuk menangani kegiatan perjudian. Sehingga kini, tiada tangkapan kes perjudian haram atas talian yang menggunakan telefon pintar.

Penggunaan telefon pintar untuk aktiviti perjudian kebanyakannya melibatkan kes pertaruhan dalam catat taruh (ekor haram) dan pertaruhan permainan bola sepak melalui kiriman *Short Message Service (SMS)* atau aplikasi *WhatsApp* dan *WeChat*.

(b) Antara langkah yang diambil untuk membendung aktiviti perjudian atas talian adalah seperti berikut:

- i) pelancaran “Ops Dadu Khas” pada 21 September 2017 melibatkan sejumlah 196 pasukan di seluruh negara termasuk Cawangan Kongsi Gelap, Perjudian dan Maksiat (D7) dan *Special Task Force For Anti Vice, Gaming and Gangsterism (STAGG)* Bukit Aman;**
- ii) mengambil tindakan alternatif terhadap penganjur kegiatan perjudian haram di bawah Akta Pencegahan Jenayah 1959 (POCA) jika tiada keterangan yang kukuh untuk didakwa di mahkamah;**

- iii) bekerjasama dengan Suruhanjaya Komunikasi dan Multimedia Malaysia (SKMM) untuk menutup atau menyekat semua laman sesawang berunsurkan perjudian dari luar negara;**

- iv) bekerjasama dengan pihak Tenaga Nasional Berhad (TNB) dan Pihak Berkuasa Air (PBA) negeri untuk tindakan pemotongan bekalan air dan elektrik terhadap premis yang mengulangi kesalahan yang sama di bawah Seksyen 21A Akta Rumah Judi Terbuka 1953;**

- v) mencadangkan kepada pihak berkuasa tempatan (PBT) untuk membatalkan lesen Pusat Hiburan Keluarga (PHK) yang disalahguna menjadi tempat perjudian serta mengurangkan kelulusan lesen PHK pada masa hadapan; dan**

- vi) kajian pindaan terhadap Akta Rumah Judi Terbuka 1953 (Akta 289) dan mengemukakan kepada Peguam Negara dan Kementerian yang bertanggungjawab terhadap Akta berkenaan.**